



RELATÓRIU MONITORIZASAUN: MÍDIA NASIONÁL IHA ELEISAUN ANTESIPADA 2018



Website: www.conselhoimprensa.tl

2018

LISTA KONTÉUDU

LISTA AKRÓNIMU	3
I. INTRODUSAUN/FUNDU	5
II. RELATÓRIU NIA FUNDAMENTU	5
III. METODOLOJIA	5
IV. DIRESAUN NO PESOÁL NE'EBÉ HALO MONITORIZASAUN	6
V. PLANU NO DURASAUN MONITORIZASAUN	6
REZULTADU MONITORIZASAUN	
1. PARTIDU POLÍTIKU NO KOLIGASAUN PARTIDÁRIA HO DIRETU KOBERTURA	
1.1 Rezultadu eleisaun antesipada husi ParPol ho KoliPar iha média nasional	7
1.2 ParPol no KoliPar ho diretu kobertura iha média nasional	8
2. MÍDIA NASIONAL HO INFRAASAUN SIRA IHA PUBLIKASAUN	
2.1 Infraasaun kódigu étika jornalísitku	14
2.2 Asuntu balansu no akurasia/ezatidadaun	15
2.3 Asuntu konsisténsia redasaun	17
2.4 Asuntu direitu públiku asesu informasaun	17
VI. KONKLUZAUN	18
VII. REKOMENDASAUN	18
LISTA ANEKSU	20

LISTA ACRÓNIMU

AMP	: Aliansa Maioria ba Progresu
CI-TL	: Conselho de Imprensa de Timor-Leste
CNRT	: Congresso Nacional Reconstrução de Timorenses
CNE	: Comissão Nacional de Eleições
CASDT	: Centro Ação Social Democrata Timorenses
DDAM	: Dirasaun Dezenvolvimentu no Análiza Mídia
DN	: Diario Nacional
EA	: Eleisaun Antesipada
FDD	: Frente Dezenvolvimentu Demokrata
FRETILIN	: Frente Revolucionario Timor Leste Independente
GMN-TV	: Grupo Media Nacional – Televizaun
JE	: Jornál Eleisaun
KHUNTO	: Kmanek Haburas Unidade Nacional Timor Oan – KHUNTO
KoliPar	: Koligasaun Partidária
KEJ	: Kódigu Étika Jornalística
KRD-TL	: Konstituisaun Repúblika Demokrátika Timor-Leste
MLPM	: Movimento Liberta Povu Maubere
MDN	: Movimentu Dezenvolvimentu Nasional
MSD	: Movimentu Sosiál Demokrátika
PA	: Pajina Advertorial
ParPol	: Partidu Polítiku
PEE	: Pájina Espesial Eleisaun

PEP	: Partido Esperansa da Patria
PD	: Partido Democratico
PDC	: Partido Democratico Cristao
PDN	: Partido Desenvolvimento Nacional
PLP	: Partido Libertacao Popular
PN	: Parlamentu Nasionál
PR	: Partido Republicano
PSD	: Partido Social Democrata
PST	: Partido Socialista de Timor
PUDD	: Partido Unidade Desenvolvimento Democratico
RTTL	: Radio Televisão Timor Leste
STL	: Suara Timor Lorosa'e
STAE	: Secretariado Técnico de Administração Eleitoral
TP	: Timor Post
TE	: Telejornál Eleisaun
TR	: Tribunál Rekursu
TV-E	: Televizaun Edukasaun
UDT	: União Democrático Timorense
UNDERTIM	: Unidade Nacional Democratica de Resistencia Timorense

I. INTRODUSAUN / FUNDU

Tuir Lippmann (1922), buat importante ne'ebé sai báze fundamentu husi média iha prosesu harii demokrásia mak kontribuisaun média liu husi forneselementu informasaun (notísia) ba públiku ne'ebé ho kualidade no loloos tuir prinsipiu jerál báziku jornalismo nian.¹Timor-Leste nu'udar nasaun ne'ebé foin sai husi “postu konflitu” papél média importante tebes atu kontribui hodi harii sistema demokrátizasaun ne'ebé forte no metin liu tan.

Liga ho eleisaun parlamentar (Eleisaun Antesipada -EA) 2018, papél média importante atu tranzmite informasaun (notísia no programa) kona-ba prosesu tomak eleisaun (kampania politika) Partidu Polítiku - ParPol no Koligasaun Partidária - KoliPar nian ba povu, liuhosi publikasaun prodútu jornalístiku ne'ebé balansu, independente no imparsiál. Ida-ne'e halo hodi bele fasilita sidadaun tomak atu ezerse sira ninia direitu konstitusionál kona-ba desizaun propriu ba distinu nasaun no povu Timor-Leste nian.

Iha kontestu ne'e, média iha Timor-Leste tenke sai autór importante hodi sosializa programa ParPol no KoliPar sira. Ho kaer metin prinsipiu universál jornalismo nian no kódigo étika jornalístiku ne'ebé promove paz, ho informasaun ne'ebé balansu, akurasia/ezátidaun. Presiza mantein política redasaun ida-ne'ebé imparsiál no independente hodi fó direitu “antena” (airtime) ba ParPol – KoliPar sira durante períodu kampania eleitorál EA parlamentár 2018.

Atu kontinua garante direitu públiku nian atu hetan informasaun no direitu kontestante ParPol no KoliPar iha eventu demokrátika (eleisaun antesipada), inklui mós atu promove liberdade imprensa no liberdade espresaun iha Timor-Leste. Rekere ona iha Konstituisaun Repúblika Demokrátika Timor-Leste – KDRTL artigu 40 no 41, Conselho de Imprensa de Timor-Leste CI-TL liuhusi Diresaun Dezenvolvimentu Anélize Média - DDAM halo monitorizasaun ba produtu jornalístiku sira husi kanál média nasional iha Timor-Leste durante períodu eleisaun antesipada nian.

Política monitorizasaun ne'e bazeia ba kompetensia CI-TL ne'ebé define tiha ona iha artigu 44 Lei Komunikaun Sosiál nian.² Nune'e mos parte husi knaar CI-TL nu'udar instituisaun reguladór no supervizaun hodi garante públiku nia direitu asesu ba informasaun kona-ba órgaun komunikaun sosiál nomós rezultadu produtu jornalístiku nian.

Relatóriu monitorizasaun ne'e foka ba pontu prinsipál sira hanesan: 1) direitu kobertura ka direitu antenna ParPol no KoliPar sira durante eleisaun antesipada; 2) infransaun ka violasaun hasoru Kódigo Étika Jornalístiku – KEJ ne'ebé média nasional sira komete. Inklui deskreve kona-ba média nia responsabilidade hodi hakonu direitu públiku nian ba informasaun ho justu no ezatu.

II. RELATÓRIU NIA FUNDAMENTU

Razaun fundamentu husi relatóriu ida ne'e maka hanesan tuir mai ne'e;

1. Responde ba política no programa CI-TL nian atu garante asesu públiku nian ba informasaun husi meius komunikaun sosiál nomós serbisu jornalístiku nian iha Timor-Leste ne'ebé konstituisaun garante ona;
2. Relata no avalia progresu no dezafiu ne'ebé instituisaun média infrenta durante ne'e, liuhusi publikasaun produtu jornalístiku nian.

¹ <http://cipg.or.id/wp-content/uploads/2015/05/CREAME-4.-Media-Demokrasi-2012.pdf>

² Lei Komunikaunsosiálartigu 44.148

III. METODÓLOJIA

Metodolojia ne'ebé aplika iha prosesu monitorizasaun ne'e maka:

1. **Meus no formatu monitorizasaun**: ekipa uza formatu monitorizasaun ida espesial ne'ebé relasaun ho konteúdu notisia, prinsipiu sira universal jornalístiku nian, asuntu sensu umanu (common sense) diretu fundamentu sira ne'ebé lei inan garante. Uza formatu *data base* hodi identifika kuantidade publikasaun ba média nasional.
2. **Báze legál ba monitorizasaun** : Kódigu Étika Jornalístiku nomós prinsipiu universal jornalismo nian hodi konklui análise ba produktu jornalístiku ka notisia ne'ebé kanál média sira pública durante eleisaun antesipada tinan 2018.
3. **Dadus sekundaria**: Dadus monitorizasaun bázea ba publikasaun diariamente kanál média nasional loron no arkivu gravasaun video no audio ne'ebé iha relasaun ho atividade ParPol no KoliPar durante periodu kampaña eleitoral.
4. **Monitorizasaun nia Foku**: mekanizmu análise no monitorizasaun ba produktu jornalístiku ne'e foka deit ba média Imprime 5 ne'ebé halo publikasaun diariamente hanesan Timor Post, Suara Timor Lorosa'e, Diario Nacional, Independente no Timoroman. Kanál média transmisaun mak Radio Televisão Timor Leste - RTTL no GMN-TV deit.

IV. DIRASAUN NO PESOÁL NE'EBÉ HALO MONITORIZASAUN

Atividade monitorizasaun no análise ne'e lidera husi DDAM no hetan apoiu husi dirasaun sira seluk iha instituisaun CI-TL nian. Pesoál sira ne'ebé envolve iha ekipa monitorizasaun mak hanesan tuir mai ne'e:

1. Alberico da Costa Junior – (**Responsavel Jerál**)
2. Caetano Alves – (**Autór Relatóriu**)
3. LázaroXimenes – (**Kordenador Database**)
4. Julieta X. Sequeira – (**Asistente Database**)
5. Georginho A Fernandes (**Lojistik**)
6. Elizita Pinto – (**Espesialista IT**)
7. Prezaldo Almeida (**Fotógráfer**).

V. PLANU DURASAUN MONITORIZASAUN

Planu no atividade monitorizasaun ne'e espesifikamente foka ba reportajen ka kobertura média nasional iha eleisaun antesipada nian. Atividade monitorizasaun ne'e hahu iha loron 09 fulan Abril to'o loron 09 fulan Maiu tuir kalendáriu nasional kona-ba kampaña eleitoral nian.

Kestaun rekursu úmanu no facilidade sai nu'udar obstaklu ba ekipa monitorizasaun la bele halo monitorizasaun ba kanál média nasional hotu iha rai-laran. Bázea ba obstaklu hirak ne'e, ekipa deside hodi halo deit monitorizasaun ba média imprime diariu, RTTL ho GMN-TV hanesan esplika ona iha ambitu monitorizasaun nian.

REZULTADU MONITORIZASAUN

1. PARTIDU POLÍTIKU NO KOLIGASAUN PARTIDARIA HO DIRETU KOBERTURA³

1.1 Rezultadu eleisaun antesipada husi ParPol ho KoliPar iha média nasonál

Jerálmente média nasonál halo ona ninia serbisu hodi halo reportajen ba kontestante ParPol no KoliPar durante periodu pre-kampaña eleitorál no to'o publikasaun rezultadu eleisaun antesipada nian. Bázea ba sorteiu nasonál ne'ebé fó sai husi orgaun eleitorál hanesan Comissão Nacional Eleições – CNE ne'ebé instituisaun média nasonál sira pública iha ParPol hamutuk hat (4) no KoliPar hamutuk hat (4) mak kompete ba eleisaun antesipada parlamentar 2018.

Husi kompozisaun ParPol mak hanesan Partidu Esperansa da Patria – PEP, Partidu Democratico – PD, Partidu Republicano - PR no Frente Revolucionario Timor Leste Independente – FRETILIN. KoliPar hamutuk hat mak Movimentu Dezenvolvimentu Nasionál – MDN ne'ebé kompostu husi partidu Associação Popular Monarkia Timorense - AMPT, Partidu Liberta Povu Aileba - PLPA, Movimento Liberta Povu Maubere - MLPM no Unidade Nasionál Rezistencia Timorense - UNDERTIM.

KoliPar Movimentu Sosiál Demokrátá – MSD kompostu husi partidu Centro Ação Social Democrata Timorense - CASDT, Partidu Democratico Cristao - PDC, Partidu Social Democrata - PSD no Partidu Socialista de Timor – PST. KoliPar Frente Dezenvolvimentu Demokrata – FDD kompostu husi partidu Frente Mudança – FM, Partidu Dezenvolvimentu Nasionál – PDN, Partidu Unidade Desenvolvimento Democratico – PUDD no União Democrático Timorense – UDT. No, Aliansa Maioria ba Progresu – AMP kompostu husi partidu Congresso Nacional Reconstrução de Timorense- CNRT, Partidu Libertacao Popular - PLP no Kmanek Haburas Unidade Nasionál Timor Oan – KHUNTO.

Bazeia rezultadu eleisaun antesipada ne'ebé proklama husi Tribunál Rekursu – TR no pública iha média nasonál sira hatudu katak ParPol 2 no KoliPar 2 mak liu bareira 4%. Haree tabela 1:

Tabela 1: ParPol no KoliPar ho rezultadu eleisaun antesipada

Naran ParPol no KoliPar	Tipú ParPol - KoliPar		Kadeira	Votus	%
	Partidu	Koligasaun			
Partidu Esperansa de Patria	-		-	5,060	0,80%
Partidu Democrático	-		5	50,370	8,1%
Partidu Republikanu	-		-	4,125	0,7%
Frente Revolucionario Timor Lorosa'e Independente - FRETILIN	-		23	213,324	34,2%
Movimento Social Democratico		-	-	3,188	0,50%
Movimentu Dezenvolvimentu Nasionál		-	-	4,494	0,7%
Frente Dezenvolvimentu Demokrátiku		-	3	34,301	5,5%
Aliansa Maioria ba Progresu - AMP		-	34	309,633	49,6%

Fonte: Rezultadu monitorizasaun CI – 2018

Husi rezultadu eleisaun antesipada ne'ebé pública iha média nasonál iha ParPol rua (2) no KoliPar rua (2) mak liu bareira 4% hanesan PD, FRETILIN, FDD no AMP hodi hetan asentu iha Parlamentu Nasionál – PN. PD ho kompozisaun kadeira 5, FRETILIN ho kompozisaun kadeira 23, FDD ho kompozisaun kadeira 3 no AMP ho kompozisaun kadeira 34 iha PN.

³ ParPol 4 no KoliPar 4 mak hetan aprovasaun husi CNE hodi konkore iha eleisaun antesipada


1.2 ParPol no KoliPar ho diretu kobertura iha média nasonál

Maske asuntu rekursu umanu no finanseiru média nasonál sira hetan dezafiu barak, média nasonál sira (mídia imprime, tranzmisaun no online nafatin hatudu komitmentu boot hodi halo reportajen ba atividade kampaña eleitorál ParPol no KoliPar sira durante periodu fulan ida iha eleisaun antesipada parlamentar 2018. Mídia imprime sira (liu-liu mídia imprime diáriu) oferese “**Pajina Especial – PE**” hodi pública programa no plataforma política ParPol no KoliPar diáriamente.

Mídia tranzmisaun hanesan RTTL nu’udar orgaun komunikasaun públiku fó mós reportajen especial ba atividade kampaña eleitorál ParPol no KoliPar sira liu husi programa “**Telejornál Eleisaun**” nian. Nune’e mós mídia GMN-TV, TV-E no Online sira mós fó ona kontribuisaun hodi pública notisiariu kona-ba plataforma política husi ParPol – KoliPar sira durante periodu kampaña eleitorál.

1.2.1 Kouta kobertura jerál iha média nasonál⁴

Atu garante diretu públiku ba asesu informasaun kona-ba plataforma ParPol no KoliPar, média nasonál sira halo ona esforsu hodi fó espasu kobertura diáriamente durante periodu kampaña eleitorál iha eleisaun antesipada parlamentar 2018. Kuaze ParPol no KoliPar hetan kobertura husi média nasonál sira ho variedade. Maske nune’e, rezultadu monitorizasaun hatudu katak partidu kiik sira kontinua ladaukhetan espasu kobertura ne’ebé naton kompara ho partidu no koligasaun sira hanesan PD, FRETILIN no AMP rasik. Haree iha gráfika 1:



Fonte: Rezultadu monitorizasaun CI – 2018


Dados jerál husi kouta kobertura iha gráfika leten hatudu katak husi ParPol no KoliPar hamutuk ualu (8) ne’ebé kompete iha eleisaun antesipada, partidu no koligasaun boot tolu mak hetan kobertura barak husi total publikasaun média imprime diáriu lima (5) ho média transmisaun (RTTL no GMN-TV). Husi total publikasaun ne’ebé iha, PD hetan kobertura hamutuk 122, FRETILIN hetan kobertura hamutuk 343 no AMP hetan kobertura hamutuk 389 durante periodu kampaña eleitorál. ParPol no KoliPar kiik sira hanesan PEP, PR, MSD, MDN no FDD hetan kobertura menus husi 100 ida durante kampaña eleitorál.

Dados iha gráfika leten mai husi kouta kobertura média imprime lima (5) no televizaun rua (2) hanesan Timor Post, Suara Timor Lorosa’e, Diario Nacional, Independente no Timoroman, no Radio Televisão Timor Leste –

⁴ Monitorizasaun ne’e ba deit média imprie diáriu hanesan TP, STL, Independente, Diario Nacional no Timoroman. Mídia transmisaun ba deit RTTL nu’udar televizaun públiku ho GMN-TV. Relasiona ho rekursu umanu no facilidade la konsege halo monitorizasaun ba televizaun no rádiu seluk, inklui mós média imprime seminal, mensal no online sira.

RTTL no GNM-TV. Dadus refere la inklui ho média imprime, transmisaun no online sira seluk. Maske nune'e, ekipa monitorizasaun identifika katak média hirak ne'e mós pública ona sobre plataforma política ParPol – KoliPar durante periodu kampaña eleitorál.

Refere ba dadus jerál iha gráfika 1 leten mai husi dadus média hitu (7) ho ninia kouta kobertura ne'ebé diferente entre média jornál no televizaun. Média imprime diáriu no televizaun fó espasu kobertura barak liu ba ParPol no KoliPar boot sira kompara ho sira seluk. Haree gráfika 2:



Fonte: Rezultadu monitorizasaun CI - 2018

Relata ba gráfika 2, kouta kobertura entre média imprime (jornál) no transmisaun (televizaun) ba kada ParPol no KoliPar hatudu diferensia boot. Intermu kuantidade publikasaun hatudu katak média imprime (jornál) no transmisaun (televizaun) fó espasu kobertura barak liu ba partido no koligasaun boot sira hanesan FRETILIN, PD no AMP. Dadus kona-ba kouta kobertura ne'e mai husi kuantidade publikasaun notísia iha pájina normál no pájina espesial ne'ebé média imprime sira oferese, nomós husi kouta publikasaun notísiariu iha telejornál eleisaun ne'ebé fó sai husi RTTL no GMN-TV.⁵


Nota importante husi gráfika iha leten katak partido no koligasaun kiik sira ladun hetan kobertura husi média nasional sira. Hanesan FRETILIN no AMP hetan kobertura liu atus ida (liu 200) kompara ho PEP, PR, PD, MSD, MDN no FDD ne'ebé hetan deit kobertura menus husi atus ida (100) iha média imprime diáriu. Totál kobertura husi média transmisaun (TVTL – GMN-TV) hatudu proporsional entre ParPol no KoliPar sira.

Husi totál públikasan e'ebé hatudu iha gráfika, ParPol no KoliPar boot sira hetan kouta kobertura minimu neen (6) kada loron husi média imprime sira, no, hetan kobertura kada loron dala rua (2) kada loron husi média transmisaun sira, tuir kalendaru nasional kampaña nian ne'ebé fó sai husi Comissão Nacional Eleições – CNE.⁶

Liga ho kouta kobertura tuir média imprime no transmisaun iha gráfika (2) pajina anterior ho ninia distribuisaun percentajen (%) ne'ebé diferente entre ParPol no KoliPar kiik ho boot sira. AMP hetan kobertura 33%, FRETILIN hetan kobertura 29% no PD hetan kobertura 10%. Haree gráfika 3:

⁵ Dadus iha gráfika la inklui ho notísia ParPol – KoliPar ne'ebé média imprime diáriu sira pública iha pájina publicidade nian.

⁶ Data kampaña eleitorál eleisaun antesipada ne'ebé orgaun eleitorál fó sai hahu 09 Abril – 09 Maiu 2018



Fonte: Rezultadu monitorizasaun CI - 2018

Tuir dadus presentanjen jerál iha gráfika leten mai husi dadus kouta kobertura média imprime diáriu no média transmisaun ne'ebé halo publikasaun notisiariu diáriamente. Husi totál publikasaun durante periodu kampaña eleitorál, ParPol – KoliPar 3 hanesan PD, FRETILIN no AMP mak hetan persentajen publikasaun ho persentajen boot. ParPol – KoliPar hanesan FDD, MDN, MSD, PR no PEP hetan kouta kobertura ho pursentu kiik, entre 4% to'o 8% durante kampaña eleitorál.

Dadus presentajen ne'ebé mensiona iha gráfika 3 bázea deit dadus husi kouta kobertura média imprime diáriu 5 no televizaun 2 ne'ebé ekipa decide hodi halo monitorizasaun. Dadus persentajen ne'e la inklui ho dadus husi média imprime semanál, mensál. La inklui mós dadus husi média transmisaun hanesan rádiu no televizaun seluk nomós média online sira.⁷

1.2.2 Kouta kobertura espésifiku husi média nasionál

a. *Imprime – jornal diáriu*


Bázea ba rezultadu monitorizasaun indika katak jerálmente média imprime diáriu sira fó ona kontribuisaun masimu durante kampaña eleitorál eleisaun antesipada nian, liu husi publikasaun programa no plataforma política ParPol – KoliPar nian. Kontribuisaun média nasionál imprime nu'udar parte ida atu garante diretu públiku ba asesu informasaun iha ambitu eleisaun antesipada nian.

Média imprime lima (5) hanesan Timor Post, Diario Nacional, Suara Timor Lorosa'e, Independente no Timoroman mak halo públikasaun diáriamente kona-ba atividade kampaña ParPol – KoliPar iha eleisaun antesipada.⁸ Entre média imprime diáriu hirak ne'e, média imprime tolu (3) mak oferese “**Pájina Espesiál Eleisaun – PEE**” hanesan Timor Post, Diario Nacional no Independente.

Husi rezultadu monitorizasaun ekipa indentifika katak média imprime diáriu sira fó espasu kobertura ne'ebé ho variadade. Média imprime diáriu sira fó espasu kobertura barak liu ba ParPol no KoliPar boot sira hanesan PD, FRETILIN no AMP. Haree gráfika 3:

⁷ Kestaun rekursu umanu no facilidade ekipa labele halo monitorizasaun hotu ba média profesionál ne'ebé ejiste iha rai-laran.


⁸ Média imprime 5 mak hanesan TP, DN, STL, Independente no Timoroman



Fonte: Rezultadu monitorizasaun CI - 2018

Dados kouta kobertura kada ParPol no KoliPar ne'ebé relata iha gráfika leten mais husi totál dados kobertura média imprime diáriu 5 nian. Husi totál dados ne'ebé rekoilla hatudu katak partidu FRETILIN hetan kobertura hamutuk 295, AMP hetan kobertura hamutuk 323 durante periodu kampaña eleitorál. ParPol no KoliPar seluk hetan deit kobertura menus husi 100. Dados iha leten bázea deit publikasaun notisiáriu iha pajina espesial no pajina notisia bai-bain, la inklui ho pajina publicidade ne'ebé média imprime sira oferece.

Totál kouta kobertura ne'ebé deskreve iha gráfika 4 ne'e mai husi totál kouta kobertura kada média imprime ba atividade kampaña ParPol no KoliPar nian. Haree gráfika 5:




Fonte: Rezultadu monitorizasaun CI - 2018

Husi figura dados kouta kobertura iha gráfika 5 hatudu nível publikasaun partidu no koligasaun hat (4) hanesan PD, PR, FRETILIN, FDD no AMP ho diferente. Maibe, kuaze média imprime lima (5) fó espasu kobertura ba partidu FRETILIN no AMP. Partidu no koligasaun hetan kobertura minimu tebes, no interesante oituan koligasaun MDN la hetan kouta kobertura husi média imprime diáriu hanesan jornal Independente durante periodu kampaña eleitorál.

Dados ne'ebe mensiona iha gráfika bázea deit média imprime diáriu, la inklui ho dados husi média imprime semanál no mensál⁹ No, husi dados kouta kobertura kada média imprime ba ParPol no KoliPar sira ne'ebé

⁹ Asuntu atualidade informasaun kona-ba eleisaun antesipada mak ekipa decide la uza dados husi média imprime semanál no mensál

relata iha gráfika leten, partidu FRETILIN no koligasaun AMP hetan kouta kobertura liu 30% no PD hetan deit kouta kobertura 9%. Haree gráfika 6:




Fonte: Rezultadu monitorizasaun CI – 2018

Dadus persentajen ne'ebé relata iha gráfika 6 mai husi kouta kobertura kada ParPol no KoliPar ne'ebé mensiona iha gráfika (5) anterior. Nota prinsipál husi monitorizasaun ne'e katak ParPol no KoliPar kiik tolu (3) hanesan PEP no MSD hetan deit kobertura 2%, MDN 3% no FDD hetan 5%.

Kestaun sira ne'ebé sai pontu dezafiu ba média nasional sira hodi labele fó balansu kobertura entre ParPol no KoliPar relaciona ho problema finanseiru no tekniku rekursu umanu. Nune'e mos partidu kiik sira laiha rekursu finanseiru no facilidade ne'ebé suficiente hodi fasilita jornalista sira, labele hetan kobertura ho masimu husi média nasional sira.


b. Transmisaun – televizaun

Mídia transmisaun estadu nian hanesan Radio Televisão Timor Leste – RTTL nomós média transmisaun privadu GMN-TV mós halo ona esforsu hodi fo espasu kobertura ba ParPol no KoliPar sira durante periodu kampaña eleitoral. Liuhusi programa espesial ne'ebé hanaran “**Jornál Eleisaun - JE**” nian ne'ebé fó sai durante período kampaña. Rezultadu monitorizasaun konklui katak kuaze ParPol no KoliPar sira hetan espasu kobertura ho porporsaun ka balansu. Haree gráfika 7:



Fonte: Rezultadu monitorizasaun CI – 2018


Dados totál kouta kobertura husi RTTL ho GMN-TV kona-ba ParPol no KoliPar sira ne'ebé relata iha gáfiga 7 pajina anterior, mai husi notisia sira ne'ebé pública durante períodu kampaña eleitorál liu husi programa JE. Nota monitorizasaun identifika katak maioria ParPol no KoliPar hetan publikasaun lor-loron. Maibe, husi totál kouta kobertura média transmisaun RTTL ho GMN - TV hatudu katak koligasaun AMP mak hetan kobertura barak kompara ho partidu ka koligasaun seluk. Haree gráfika 8:



Fonte: Resultadu monitorizasaun CI – 2018

Haree ba figura dados kouta kobertura iha gráfika 8 hatudu katak RTTL nu'udar instituisaun média públiku halo ona kobertura ne'ebé balansu entre ParPol no KoliPar durante periodu kampaña eleitorál eleisaun antesipada nian. Kuaze ParPol no KoliPar sira hetan kobertura lor-loron husi RTTL. Pelu-kontrariu, GMN-TV ladun fó espasu kobertura ne'ebé balasu entre partidu no koligasaun hirak ne'ebé tuir kompetisaun iha eleisaun antesipada nian. GMN – TV fó espasu kobertura barak ba KoliPar AMP.

Husi figura kouta kobertura média transmisaun hanesan RTTL ho GMN-TV hatudu katak ParPol no KoliPar hat (4) hanesan AMP, FRETILIN, FDD no PD mak hetan presentajen kobertura boot kompara ho partidu no koligasaun sira seluk: Haree gráfika 9:



Fonte: Resultadu monitorizasaun CI - 2018

Liga ba figura presentajen kona-ba kouta kobertura entre RTTL ho GMN-TV hatudu katak fó ona espasu kobertura ne'ebé balansu entre partidu boot no partidu kiik sira. Hanesan PD no FDD hetan kobertura 14%, FRETILIN 15% no AMP 20%. Esforsu importante seluk mak RTTL halo ona tranzmisaun direta debate entre ParPol no KoliPar ne'ebé fasilita husi CNE iha “Salaun Lalini Larigutu” durante loron rua (09 – 10 Maiu) hodi kontinua transmite informasaun ba públiku.

Nota importante seluk ne'ebé ekipa monitorizasaun identifika durante períodu kampaña mak muda orariu notisia telejornál kalan ne'ebé baibain sai tuku 9:30 muda tuku 01:30 madrugada relaciona ho transmisaun direta debate ParPol no KoliPar sira. Kestaun seluk mak RTTL mós kotinua la halo transmisaun direta ba anúnsiu Tribunál Rekursu kona-ba rezultadu eleisaun antesipada nian, GMN – TV mak halo transmisaun direta kona-ba atividade refere.


2 MÍDIA NASIONÁL HO INFRASAUN SIRA IHA PUBLIKASAUN

Durante periodu monitorizasaun, asuntu violasaun ka infrasaun husi média nasionál kona-ba Kódigu Ética Jornalístiku – KEJ no prinsipiu universal jurnalizmu nian. Liu-liu relasaun ho publikasaun notisiariu fulan Abril - Maiu durante periodu eleisaun antesipada nian. Pontu importante hirak maka hanesan tuir mai ne'e:

2.1 Infrasaun kódigu étika jornalístika

Intermu política redasaun hodi kontribui ba prosesu média nasionál sira halo ona esforsu boot hodi kontribui ba prosesu demokrátizasaun iha Timor-Leste durante periodu eleisaun jerál 2017. Liuhusi liu reportajen produktu jornalístiku ba públiku kona-ba eleisaun jerál nian, média nasionál sira kontinua komete infrasaun hasoru prinsipiu universál jornalístiku nomós kódigu étika jornalístiku nian.

Husi rezultadu monitorizasaun ne'e konklui katak persentajen (%) publikasaun maioria viola KEJ pontu neen (6) ho 32%, pontu rua (2) ho 32%, pontu (1) ho 21%, pontu 10 ho 10% no pontu (5) ho 5%. Haree gráfika 10:



Fonte: Resultadu monitorizasaun CI - 2018


Presentajen kona-ba infrasaun ka violasaun KEJ iha leten bázea deit dadu jerál monitorizasaun ba média imprime (jornál diáriu) no transmisaun (televisaun) ne'ebé ekipa identifika hodi halo monitorizasaun hanesan média imprime diáriu 5 ho média transmisaun – TV 2, la inklui ho média online, imprime seminal no mensal nomos média transmisaun (rádiu no televisaun) seluk.

Asuntu verifikasaun dados no konfirmasaun fonte seluk antes pública notisia sei sai problema boot ne'ebé média nasionál sira dadaun infrenta. Nune'e mós produktu jornalístiku balun seidak fo hatene loloos faktu sira ne'ebé ho rigor, sei kontinua ho tendensia domina ho opiniaun jornalista nian.

Violasaun ka infrasaun seluk hanesan KEJ pontu ida (1) ho 21%, pontu lima (5) no pontu sanolu (10) iha ne'ebé identifika katak média nasonál sira sei hetan obstaklu boot. Kestaun salvaguarda perezunsaun inosensia sei malahok, notisia identiku jornalista halo julgamentu “*trial by the press*” ba fonte balun.

Mídia nasonál sira sei kontinua promove liafuan ka imajen sira ne'ebé identiku no iha tendensia bele hamosu tensaun nomós kestaun atribuisaun informasaun ne'ebé kredível no balansu. Maske hatene katak eventu eleisaun nu'udar momentu sensitivu ne'ebé bele hamosu konfliktu no kria instabilidade iha rai-laran.

No, husi total % infrasaun KEJ husi média imprime diáriu no média transmisaun (RTTL-GMN-TV), ekipa monitorizaaun identifika katak média transmisaun mak halo violasaun KEJ barak liu kompara jo média imprime (jornál). Haree gráfika 11:



Fontes: Rezultadu monitorizasaun CI – 2018

Komparasaun % iha gráfika 11 hatudu maioria publikasaun ne'ebé viola KEJ mai husi média transmisaun ho 58% kompara ho média imprime (jornál) ho 42%. Presentajen ne'e bázea ba dadus ne'ebé kipa rekoilla husi orgaun no meus komunikasaun sosiál hamutuk hitu (7) ne'ebé kompostu husi média imprime diáriu lima (5) ho média transmisaun (TV) rua ne'ebé tama iha lista monitorizasaun ekipa DDAM nian.¹⁰

Husi dadus infrasaun ka violasaun KEJ husi média imprime diáriu no transmisaun, ekipa monitorizasaun nota katak RTTL ninia publikasaun kontinua viola KEJ no prinsipiu jerál jornalístiku maske ho volume kiik kompara iha eleisaun palamentar 2017. Ekipa monitorizasaun mós nota katak husi totál presentajen infrasaun KEJ ne'ebé média transmisaun komete mak GMN-TV.¹¹ No, GMN-TV rasik hetan xamada atensaun husi CI-TL relasiona ho publikasaun notisiariu no programa sira ne'ebé konsidera viola KEJ no prinsipiu jerál jurnalizmu nian.¹²

2.2. Asuntu balansu no ezatidadaun (akurasi)

Asuntu informasaun ne'ebé balansu no akurasia nu'udar prinsipiu jerál jornalístiku nian nomós define ona iha regra jornalístiku pontu 2 KEJ nian. Maibé, ekipa monitorizasaun identifika katak publikasaun média nasonál liu média imprime balun seidak kumpri loloos prinsipiu fundamentál jurnalizmu ne'ebé garante ona iha KEJ ne'e.

¹⁰ Mídia TP, DN, STL, Independente, Timoroman, RTTL no GMN-TV

¹¹ Ekipa nota katak GMN-TV fó espasu kobertura barak liu ba AMP no maioria atividade AMP domina iha programa televizivu GMN

¹² SMI. (2018, Abril 27). Transmisaun Direta Kampana EA, CI Fó Atensaun ba GMN-TV. Asesu iha link ne'e; <https://www.smi-tl.org/notisia/flash-news/687-transmisaun-direta-kampana-ci-fo-atensaun-ba-gmn-tv>

Ezemplu, notísia balun laiha relasaun ho imajen ka fotografia, identiku hanesan média nasional envolve in-direta halo kampaña ba ParPol no KoliPar ou lider partidu nian. Haree imajen 1-3:



Imajen 1 – 3 fotografia ne'ebé latuir konteúdu notísia no la tuir étika jornalizmu nian

Imajen iha leten ne'e representa erru ka infrasaun sira ne'ebé kanál média nasional sira komete durante sira nia publikasaun ne'ebé iha ligasaun ho eleisaun eleisaun antesipada nian. Ekipa monitorizasaun konklui katak falta verifikasaun no konfirmasaun ne'ebé rigor husi parte redasaun kanál média sira nian ba informasaun hotu-hotu intermu testu ka imajen antes halo desizaun ba imprime.

Rezultadu monitorizasaun identifika katak média imprime nasional pública fotografia ka imajen ne'ebé kopia tutan husi média sosial hanesan facebook. Públikasaun imajen hirak ne'e sai diskusaun públiku iha média sosial nomós hetan kritika husi CI-TL liu husi konfensia imprensa hodi fó hanoin ba média nasional sira halo verifikasaun ho rigor antes halo públikasaun.¹³

Faktu husi publikasaun sira hanesan ne'e sai mós indikadór ka nota mean ba independensia no profesionalizmu instituisaun média ne'e rasik. Públiku, ParPol no KoliPar sira seluk bele hamosu intepretasaun negativu ba independensia redasaun média relasiona ho publikasaun ne'ebé la ezatu no imparsiál.

2.3. Asuntu Konsisténsia redasaun

Pontu prinsipál seluk hanesan kestaun konsistensia política redasaun média nasional sira publikasaun notísia sai agenda importante ba ekipa monitorizasaun nian . Liuliu iha relasaun ho programa no PEE sira ne'ebé kanál

¹³ SMI. (10, Maiu 2018). Média Nasionál Komete Erru Durante Kobertura iha EA. Asesu iha link ne'e; <https://www.smi-tl.org/notisia/flash-news/698-midia-nasional-komete-erru-durante-kobertura-ih-ea>

mídia nasonál imprime sira fornese noTE husi mídia tranzmisaun sira. Durante periódu monitorizasaun ekipa identifika katak RTTL hanesan mídia públiku kansela telejornál eleisaun durante loron rua tanba deit halo tranzmisaun direta ba ParPol no KoliPar iha loron 9 – 10 Maiu 2018. RTL rasik mós hasai programa kona-ba “Crocodile” no programa “Lingua Português” durante periódu kampaña eleitorál.


Iha parte mídia imprime nian, iha progresu ka mudansa ne'ebé pozitivu tanba jerálmente nafatin mantein publikasaun tuir programa ka pájina ne'ebé sira oferese. Kompara ho eleisaun parlamentar 2017, mídia kuaze imprime sira viola política redasaun hanesan PE ne'ebé sira oferese dalabarak uza ba publikasaun asuntu seluk ne'ebé laiha ligasaun ho plataforma ParPol nian. Pájina espesial ne'ebé mídia nasonál imprime oferese ba ParPol no KoliPar sira durante periódu kampaña eleitorál ne'e ajuda tebes ParPol no KoliPar sira hodi tranzmite sira nia programa no plataforma política ba públiku. Maibé, ekipa monitorizasaun identifika katak publikasaun iha pájina espesial sira ne'e la indika konsistensia política redasaun nian.

Tanba, PE ba ParPol no KoliPar maibé publika fali asuntu seluk nomós laiha balansu iha publikasaun, dala-barak pájina tomak pública deit kona-ba ParPol no KoliPar balun deit. Nune'e mós konsistensia redasaun ba publikasaun notisia iha pájina normal sira mos dala-barak ladun balansu, pajina notisia balun uza publikasaun advertoriál, iróniku-liu mak informasaun barak kona-ba ParPol no KoliPar pública iha pájina advertoriál nian.

2.4. Asuntu direitu públiku nian asesu ba informasaun

Mídia hala'o papél importante atu garante direitu públiku nian ba informasaun liuhusi publikasaun produtu jornalístiku hanesan iha eventu kampaña eleitorál ParPol no KoliPar sira. Nu'udar rekere ona iha Lei Komunikasaun Sosiál Nú 05/2014 Kapítulu II artigu 7 nomós Konstituisaun Republika Demokratiku Timor Leste – KDRTL. Rezultadu monitorizasaun durante periódu kampaña eleitorál 2018, mídia nasonál imprime sira hahú ona tau masimu ba informasaun kompara ho publisidade hanesan eleisaun prezidensiál no parlamentár 2017.

Haree gráfika 12:



Fonte: Rezultadu monitorizasaun CI – 2018

Refere ba figura komparasaun presentajen entre notisia no publisidade iha gráfika 12 iha mudansa boot. Rezultadu monitorizasaun hatudu katak mídia imprime hahu reduz ona publisidade kona-ba ParPol no KoliPar sira ne'ebé 23% deit kompara ho eleisaun parlamentar 2017 ne'ebé publisidade ParPol atinji 59%. Presentajen notisiáriu iha gráfika leten mai husi dadus kouta kobertura ne'ebé pública iha mídia imprime diáriu sira, liu-liu iha pájina notisiáriu normal nomós pájina notisiáriu espesial nian, la inklui ho notisia ne'ebé pública iha pájina publisidade nian.

Liga ho komparasaun presentajen iha gráfika leten, ekipa monitorizasaun konklui katak durante periodu kampaña eleitorál eleisaun antesipada nian, mídia nasional (imprime diáriu sira) hakonu ona diretu públiku atu hetan informasaun, liu-liu kona-bá plataforma ParPol no KoliPar nian. Maske nune'e, jerálmente mídia imprime sira seidak fókouta kobertura ne'ebé balansu entre ParPol no KoliPar sira.

VI. KONKLUZAUN

Durante periodu kampaña eleisaun antesipada 2018, jerálmente mídia nasional fó ona sira nia kontribuisaun masimu hodi fornese informasaun ba públiku kona-ba programa no plataforma ParPol no KoliPar sira. Faktu husi mídia nasional sira nia kontribuisaun mak liu husi kria política redasaun ida-ne'ebé independente no halo programa pozitivu sira. Hodi fasilita ParPol no KoliPar sira hatu'o sira nia plataforma política ba povu durante kampaña eleitorál. Nu'udar prinsipál mídia hodi kontribui ba prosesu demokratizasaun iha Timor-Leste.

Maske nune'e, sei iha dezafiu barak maka mídia nasional sira infrenta intermu kapasidade tekniku no finanseiru hodi apoiu serbisu mídia nian liuhusi fornese informasaun ida-ne'ebé kredível. Sei iha lakuna ka dezafiu balun ne'ebé kanál mídia sira presiza hadi'a iha futuru. Mídia nasional sira mós sei muki iha ambítu atu promove balansu no ezatidadaun nomós kumpri Kódigu Étika Jornalístiku no prinsipiu universál jornalístiku ne'ebé nu'udar regra prinsipál ba mídia iha prosesu publikasaun informasaun ba públiku.

VII. REKOMENDASAUN

Husi rezultadu monitorizasaun mak CI-TL hakarak rekomenda katak:

1. Rekomenda ba kanál mídia nasional sira atu kontinua mantein no garante diretu públiku ba informasaun liu husi publikasaun notisia lorloron ne'ebé justu no loloos.
2. Rekomenda ba xefi redasaun kanál mídia hotu-hotu atu rigor iha konfirmasaun no verifikasaun ba produtu jornalístiku antes halo prosesu imprime, nune'e bele garante qualidade informasaun no evita erru sira ne'ebé viola Kódigu Étika Jornalístika no Prinsipiu Universál Jornalístika nian.
3. Rekomenda ba kanál mídia nasional hotu-hotu atu tane aas no valoriza regulamentu jornalístiku no prinsipiu universál jurnalizmu nian liuhusi publikasaun notisia lorloron ho balansu, ezatu no imparsiál.

BIBLIGRÁFIA

Arkivu Jornál Suara Timor Lorosa'e 2018

Arkivu Jornál Timor Post 2018

Arkivu Jornál Diario Nacional 2018

Arkivu Jornál Independente 2018

Arkivu Jornál Timoroman 2018

Arkivu Video Televisão Timor Leste 2018

Arkivu Audio Radio Timor Leste 2018

Arkivu Video GMN – TV 2018

Conselho Imprensa. (2017). Kartila Jornalística Timor-Leste.

RDTL, (2002, Marsu 22). Liberdade Imprensa no Liberdade Komunikasaun Sosiál.
Konstituisaun RDTL.

RDTL, (2014, Novembru 19). Diretu ba Informasaun.
Lei Komunikasaun Sosiál Nian.

SMI. (10, Maiu 2018). Mídia Nasionál Komete Erru Durante Kobertura iha EA. Asesu iha link ne'e;
<https://www.smi-tl.org/notisia/flash-news/698-midia-nasional-komete-erru-durante-kobertura-ih-ea>

SMI. (2018, Abril 27). Transmisaun Direta Kampana EA, CI Fó Atensaun ba GMN-TV. Asesu iha link ne'e;
<https://www.smi-tl.org/notisia/flash-news/687-transmisaun-direta-kampana-ci-fo-atensaun-ba-gmn-tv>

Aneksu 1: Nota monitorizasaun balun kona-ba infrasaun KEJ iha média imprime

Diáriu Nasionál, Kinta (12/4) 2018: Notisia Diáriu Nasionál, Edisaun 12 Abril 2018, ho títulu “Alkatiri Akuza KO Sai Sentru Korupsaun.” Tuir CI nia análise, notisia ne’e hakerek ho di’ak tuir estrutura padraun jornalísiku tamba lead, sitasaun no konteúdu tomak husi notisia ne’e efetivu. Maibé, notisia ne’e la balansu no ida-ne’e viola Kódigu Étika Jornalística Pontu 6 no Prinsípiu Universál Jornalizmu *cover both sides*.¹⁴ Iha notisia ne’e jornalista la halo konfirmasaun ho parte ho parte KO (Komisaun Omenajen) atu hato’o nia resposta.

CI haree katak notisa ne’e kontroversu tamba Sekertáriu Jerál Partidu Fretilin, Mari Alkatiri halo deklarasaun polítika ho tendensia akuzativa hasoru KO. Tuir Prinsípiu jornalizmu no Kódigu Étika Jornalística, jornalista iha obrigaun profisionál atu halo konfirmasaun ho parte hotu-hotu, liuliu parte ne’ebé sai akuzadu atu fó nia opiniaun kona-ba akuzasaun sira ne’e. Infelismamente Diáriu Nasionál la hala’o étika profisionál ida-ne’e.

Timor Post, Kinta (12/4) 2018: Notisia Timor Post, Edisaun 12 Abril 2018, ho títulu “Xanana: Alkatiri – Horta la’os Fundador Fretilin.” Tuir CI nia análise, notisia ne’e hakerek ho di’ak tuir estrutura padraun jornalísiku tamba lead, sitasaun no konteúdu tomak husi notisia ne’e efetivu. Maibé, notisia ne’e la balansu no ida-ne’e viola Kódigu Étika Jornalística Pontu 6 no Prinsípiu Universál Jornalizmu *cover both sides*.¹⁵ Timor Post la halo konfirmasaun ho Partidu Fretilin, liuliu halo konfirmasaun ho Sekertáriu Jerál Fretilin, Mari Alkatiri hodi responde Prezidente AMP nia deklarasaun, maibé ida-ne’e la akontese.

Tuir CI nia haree, notisa ne’e kontroversu tamba Prezidente AMP, Xanana Gusmao halo deklarasaun ida-ne’ebé “misleading” tamba hamosu konfuzaun iha públiku kona-ba istória Fretilin nian. Lider AMP ne’e, halo deklarasaun polítika ho tendensia atu hamosu konfliktu ne’ebé bele dirje ba aktu violentu. Tan-ne’e, Timor Post nu’udar média profisionál iha obrigaun étika hodi hato’o notisia ne’ebé ho konteúdu edukativu, la’os provokativu no tane-aas nafatin prinsípiu *peace journalism*. Tuir Prinsípiu jornalizmu no Kódigu Étika Jornalística, jornalista iha obrigaun profisionál atu halo konfirmasaun ho parte hotu-hotu, nune’e notisia ne’e iha balansu no objetividade.

Timor Post, Segunda (07/05) 2018: Foto espesial Timor Post, Edisaun 7 Maiu 2018, ho caption “Sekertáriu Jerál Fretilin, Mari Bin Amude Alkatiri komu liman hamutuk hafoin taka boña mean ba Kamara Abilio Mausoko iha Kampania Fretilin iha Oe-Kussi.”¹⁶ Tuir¹⁷ CI nia análise, fotografia ne’e viola Kódigu Étika Jornalística, Pontu 10 tamba públika fotografia ne’ebé bele hamosu interpretaun negativu husi públiku.

Hafoin halo verifikasaun ba fotografia ne’e ho parte hotu-hotu, inkui redasaun Timor Post nian no verifikasaun liuhusi prosesu tekniku ida, CI haree katak fotografia ne’e la’os foto jornalizmu, maibé Timor Post re-tranzmite fotografia husi fonte seluk ne’ebé la’os Timor Post nian rasik. Tuir loloos, nu’udar média boot, Timor Post tenke konsiente katak fotografia refere iha impaktu ba ema nia reputasaun no imajen. Entau, parte redasaun preziza halo selesaun no halo verifikasaun ba fotografia ne’e tuir Kódigu Étika Jornalística ne’ebé eziste molok públika.

Timor Post, Tersa (9/5) 2018: Notisia Timor Post, Edisaun 8 AMai 2018, ho títulu “Asaun Brutal, Alkatiri Husu Deskulpa.”¹⁸ Tuir CI nia análise, notisia ne’e hakerek ho di’ak tuir estrutura padraun jornalísiku tamba lead, sitasaun no konteúdu tomak husi notisia ne’e efetivu. Maibé notisa ne’e viola Kódigu Étika Jornalística, Pontu 1 no 2 prinsípiu universál jornalizmu *objetividade tamba Timor Post* la hato’o faktu ho loloos iha tópiku no lead

¹⁴ Kódigu Étika Jornalística Timor-Leste

¹⁵ Kódigu Étika Jornalística Timor-Leste

¹⁶ Notisia Timor Post, edisaun 7 Maiu 2018 no notisia Timor Post, edisaun 9 Maiu 2018

¹⁷ Kódigu Étika Jornalística Timor-Leste no Prinsípiu Universal Jornalizmu

¹⁸ Notisia Timor Post, edisaun 12 Abril 2018

notisia nian. CI haree katak laiha fonte ida mak temi fraze asaun brutál no lead husi notisia ne'e la refléta tópiku ne'ebé iha.¹⁹

Lead notisia ne'e kontein ho AMP nia pozisaun ba asaun violentu sira ne'ebé deskonfia envolve Fretilin nia militante sira. Notisia ne'e lead mak, "Koligasaun Aliansa Mudansa ba Progresu (AMP) kondena maka'as asaun brutál hala'o husi militante Fretilin nian, iha ne'ebé halo asaltu ba comunidade nia uma no baku katuas ida ho nia oan to'o baixa ihaospital Baucau." CI konsidera notisia ne'e *misleading* tamba notisia ne'e nia lead la koherente ho tópiku notisia nian. Enkuantu, informasaun kona-ba lead ne'ebé Mari Alkatiri husu deskulpa ne'e mosu fali iha notisia nia *body* ho espasu kiik.

CI mós hetan fotografia kona-ba notisia ne'e, maibé fotografia ne'e la'os rezultadu husi foto jurnalizmu, maibé Timor-Post foti husi fonte seluk bazeia ba konfirmasaun ne'ebé CI halo ho redasaun Timor Post nian. Timor Post mós viola Kódigu Étika Jornalística Pontu 10 tamba pública momos imajen vitima sira laho *bloor* ka la taka, satan hatudu momos imajen labarik no feto nian iha fotografia ne'e.

STL, (27/4) 2018: Notisia STL, Edisaun, 2 Abril 2018, ho título "Presiza "Komadre Liga Alkatiri - Xanana." Tuir CI nia análise, notisia ne'e hakerek ho di'ak tuir estrutura padraun jornalísiku tamba lead, sitasaun no konteúdu tomak husi notisia ne'e efetivu. DDAM haree katak notisia ne'e viola Kódigu Étika Jornalística, Pontu 2 no prinsipiu jurnalizmu universál objetividade tamba jornalista la hatu'o faktu loloos husi notisia ne'e, maibé hatama fali ninia hanoin rasik iha *lead* no tópiku notisia nian. CI la hetan fonte ruma ne'ebé mak temi fraze husi tópiku no lead husi notisia ne'e, entau ida-ne'e konsideradu nu'udar opiniaun jornalista nian.

CI mós haree katak notisia ne'e nia lead no tópiku la han-malu ho sitasaun ka kutipan fonte nian, entau ida-ne'e bele hamosu ineterpretasaun oioin ka multi-tafsir husi públiku no notisia ne'e *misleading* tambajornalista interpreta sala sitasaun husi notisia ne'e iha lead no tópiku. Sitasaun husi notisia ne'e mak, "Ha'u hanoin bainhira ha'u manan iha Manatuto entaun Xanana bele hetan komdre ida bele liga mai ami nain rua fali, tanba ne'e tenke manan iha Manatuto para Xanana bele buka komadre ida para ami nain rua bele diak malu fali."

Timor Roman, Kinta (19/4) 2018: Notisia Timor Roman, Edisaun 19 Abril 2018, ho título "Taur: Ami Sei Moris Fretilin La Ukun." Tuir CI nia análise, notisia ne'e hakerek ho di'ak tuir estrutura padraun jornalísiku tamba lead, sitasaun no konteúdu tomak husi notisia ne'e efetivu. Maibé, notisia ne'e la balansu no ida-ne'e viola Kódigu Étika Jornalística Pontu 6 no Prinsipiu Universál Jurnalizmu *cover both sides*. Timor Roman la halo konfirmasaun ho Partidu Fretilin, liuliu halo konfirmasaun ho estrutura Fretilin nian atu responde Vise Prezidente AMP, Taur Matan Ruak nia deklarasaun ne'ebé temi topiku notisia ne'e nian.

Tuir CI nia haree, notisa ne'e tendensia atu hamosu konfliktu iha ambiente polítika ambiente kampaña polítika eleisaun antesipada tamba Timor Roman sita momos liafuan sira provokativu ne'ebé vise Prezidente AMP hatu'o iha kampaña polítika. Sitasaun husi notisia ne'e mak, "Ami na'in rua Maun Xanana sei moris Fretilin sei la ukun. La'os ami mak la fó, maibé railulik no matebian sira mak la fó fatin ba sira hodi Timor." Jornál Timor Roman mós pública klaramente komentáriu Taur Matan Ruak nian ne'ebé hateten lideransa Fretilin sira mesak no loko an hodi sura fali sira nia kolen ba povu. Tuir CI, deklrasaun polítika ne'ebé temi iha leten kontein ho "hate speech", tan-ne'e Timor Roman nu'udar média profisionál iha obrigasaun étika hodi hatu'o notisia ne'ebé ho konteúdu edukativu, la'os provokativu no tane-aas nafatin prinsipiu *peace journalism*. Tuir Prinsipiu jurnalizmu no Kódigu Étika Jornalística, jornalista iha obrigasaun profisionál atu halo konfirmasaun ho parte hotu-hotu, nune'e notisia ne'e iha balansu no objetividade.

¹⁹ Kódigu Étika Jornalística Timor-Leste no Prinsipiu Universal Jurnalizmu

Aneksu 2: Nota monitorizasaun balun kona-ba infrasaun KEJ iha média tranzmisaun

RTTL (TVTL), Segunda (7/5) 2018: Programa TVTL Diáriu Kampaña, Edisaun Kalan 7 Maiu 2018, ho títulu “Mari Alkatiri husu Deskulpa ba Partidu Seluk Relasiona ho Atitude Militante Fretilin nian iha Terenu.” Tuir CI nia análise, notisia ne’e hakerek ho di’ak tuir estrutura padraun jornalísiku tamba lead, sitasaun no konteúdu tomak husi notisia ne’e efektivu. Maibé, notisia ne’e viola Kódigu Étika Jornalística Pontu 1 no 2 tamba la apresenta faktu loloos kona-ba asuntu ne’ebé temi iha tópiku notisia nian.²⁰

Iha konteúdu notisia ne’e, CI nota katak TVTL tranzmite fali informasaun kona-ba papél importante Igreja Katolika nian iha prosesu dezvoltamentu nasionál. Iha notisia ne’e nia lead no tópiku apresentadór temi kazu violente ne’e, maibé konteúdu tomak husi notisia ne’e kona-ba papél igreja nian iha dezvoltamentu nasionál. CI haree katak notisia ne’e *misleading*, entau bele hamosu interpretasaun oioin ka multi-tafsir iha públiku nia leet.

RTTL (TVTL), Kinta (17/5) 2018: Notisia TVTL, Edisaun kalan 17 Maiu 2018, ho títulu “Polisia Nasionál Komandu Munisípiu Dili Kaptura Ona Autor ne’ebé edit foto imoral lider nasionál”. Tuir CI nia análise, notisia ne’e hakerek no lee tuir estrutura padraun jornalísiku. Lead, sitasaun no konteúdu tomak husi notisia ne’e hakerek, lee ho di’ak no efektivu. Maibé, notisia ne’e viola Kódigu Étika Jornalística Pontu 5 tamba jornalista halo julgamente (trial by the press) ba labarik ida ne’ebé diskonfia nu’udar autor ba edita imajen lider nasionál Xanana Gusmao no Francisco “Lu-Olo” Guterres. Jornalista TVTL la uza liafuan diskonfia, maibé diretamente temi labarik mane mak nu’udar autor, maske uza naran inisiál.²¹

Fraze akuzasaun ne’e mosu iha tópiku ne’ebé mensiona iha leten no *lead* notisia nian. Lead husi notisia ne’e mak, “Polisia Nasionál Munisípiu Dili Kaptura ona autor ho inisiál AC ne’ebé edit foto imoral lider nasional hanesan Xanana Gusmao no Presidente República, Francisco Guterres “Lu-Olo”. Jornalista mós temi momós eskola ne’ebé labarik ne’e eskola ba (eskola 30 de Agustu Comoro). Jeografikamente temi eskola ne’ebé labarik ne’e eskola ba sei prejudika futuru labarik ne’e rasik tamba ambiente eskola no sosiade sei eskui nia.²²

CI mós identifika katak notisia ne’e mós viola Kódigu Étika Jornalística Pontu 6 no Prinsípiu Universál Jornalizmu *Cover both sides* tamba TVTL la halo konfirmasaun holabarik nia inan-aman no parte eskola, liuliu diretór eskola refere atu fó komentáriu ba kazu ne’e rasik.

GMN TV, Sabadu (12/5) 2018: Notisia GMN TV, Edisaun 12 Maiu 2018, ho títulu “Xanana sei Lori Presidente CNE no Diretór Jerál STAE ba Tribunál Relasiona ho Buletin Votu Balu ne’ebé Tu’u Tiha Ona.” Tuir CI nia análise, notisia ne’e hakerek ho di’ak tuir estrutura padraun jornalísiku tamba lead, sitasaun no konteúdu tomak husi notisia ne’e efektivu. Maibé, notisia ne’e la balansu no ida-ne’e viola Kódigu Étika Jornalística Pontu 6 no Prinsípiu Universál Jornalizmu *cover both sides* tamba GMN TV la halo konfirmasaun ho Parte CNE and STAE atu responde ba akuzasaun ne’ebé Presidente AMP halo.²³

CI mós haree katak notisia ne’e mós viola Kódigu Étika Jornalística, Pontu 5 tamba halo julgamentu (trial by the press) ba CNE and STAE. Iha parte ne’e, jornalista la uza liafuan diskonfia, maibé diretamente hateten buletin votu balu tu’u koak ona. Fraze lead nian ne’ebé komete trial by the press mak, “Presidente Aliansa Mudansa ba Progresu, Kay Rala Xanana Gusmao Ameasa sei Lori Presidente CNE no Diretór Jerál CNE bá Tribunál. Deklarasaun ne’e Xanana hasai relasiona ho kazu buletin votu balu ne’ebé tu’u tiha ona no tinta ne’ebé

²⁰ Kódigu Étika Jornalística Timor-Leste no Lei Komunikasaun Sosiál

²¹ Kódigu Étika Jornalística Timor-Leste no Prinsípiu Universal Jornalizmu

²² Notisia RTTL (TVTL), Edisaun Kita 17 Maiu 2018

²³ Kódigu Étika Jornalística Timor-Leste no Prinsípiu Universal Jornalizmu

kualidade ladi'ak." GMN TV tranzmite resposta husi Presidente CNE and Diretór-Jerál STAE loron tuir mai iha notisia kalan nian, Domingu (13/5) no Grande Entrevista.²⁴

GMN TV, Domingu (6/5) 2018: Notisia GMN TV, Edisaun 6 Maiu 2018, ho títulu "Xanana Akuza Fretilin Halo Propaganda no Sosa Votu." Tuir CI nia análise, notisia ne'e hakerek ho di'ak tuir estrutura padraun jornalísiku tamba lead, sitasaun no konteúdu tomak husi notisia ne'e efetivu. Maibé, notisia ne'e la balansu no ida-ne'e viola Kódigu Étika Jornalístika Pontu 6 no Prinsípiu Universál Jornalizmu *cover both sides* tamba GMN TV la halo konfirmasaun ho Partidu Fretilin, liuliu halo konfirmasaun ho estrutura Fretilin nian atu responde ba akuzasaun ne'ebé Presidente AMP halo.

CI haree katak notisia ne'e mós viola Kódigu Étika Pontu 1 no 2 tamba GMN TV la hato'o lia-loos no públika faktu loloos kona-ba akuzasaun ne'e. GMN TV iha azijensia étika atu kesi'ona no husu Presidente AMP atu bele hatudu faktu ka evidensia ruma kona-ba asuntu ne'e, maibé ida-ne'e la akontese. Sitasaun husi notisia ne'e, "Sira la serbisu ida, sira nia serbisu mak sosa votu. Lori bandeira tau iha neebá, ema foti sira fó \$ 50. Lori foos bá fahe. Governu nia serbisu agora mak ne'e."

GMN TV, Tersa (8/5) 2018: GMN TV, Edisaun kalan, 8 Maiu 2018, ho títulu "Xefe Estado Maior F-FDTL, Maior-Jenerál Lere Anan Timur Konsidera Lider Kay Rala Xanana Gusmao Lulik." Tuir CI nia análise, notisia ne'e hakerek ho di'ak tuir estrutura padraun jornalísiku tamba lead, sitasaun no konteúdu tomak husi notisia ne'e efetivu. DDAM identika katak notisia ne'e GMN TV foti husi programa Grande Entrevista ne'ebé tranzmite ona iha fulan Abril 2018. Entau, notisia ne'e la hakunu valor notisia atualidade (atual) tamba programa grande entrevista ne'e hala'o ona iha fulan kotuk.²⁵

Laiha konsistensia ba valor notisia iha aspeitu jornalizmu nian, ida-ne'e sei hamosu interpretasaun oioin ka multi-tafsir katak notisia ne'e nu'udar notisia política *terselubung*, maske sei iha valor notisia prominensia tamba Xanana nu'udar lider istóriu no lider nasional. Maibé, iha parte seluk Xanana nu'udar Presidente Partidu AMP ne'ebé mós halo hela kampaña política.

GMN TV, Kuarta (11/4) 2018: GMN TV, Edisaun kalan, 11 Abril 2018, ho títulu "Xanana Gusmao Lakohi Apresenta Relatoriu kona-ba Rezultadu Negosiasaun Fronteira Maritima ba Governu." Tuir CI nia análise, notisia ne'e hakerek ho di'ak tuir estrutura padraun jornalísiku tamba lead, sitasaun no konteúdu tomak husi notisia ne'e efetivu. DDAM haree katak notisia ne'e laiha valor notisia ka la atuál tamba públika tiha ona iha semana rua-liu ba antes Timor-Leste tama iha kampaña política eleisaun antesipada nian.

GMN TV inkonsistente ba valor notisia no notisia ne'e repete iha ambiente política eleisaun nian, entau CI konsidera ida-ne'e nu'udar kampaña política *terselubung*. Maske Xeve Negosiadór Xanana Gusmao ko'alia asuntu nasional, maibé tamba nia nu'udar presidente ba Partidu Polítiku AMP ne'ebé dadauk ne'e hala'o hela kampaña política, entau ida-ne'e sei hamosu interpretasaun oioin (multi tafsir).

Tuir CI, notisia ne'e mós la balansu no ida-ne'e viola Kódigu Étika Jornalístika Pontu 6 no Prinsípiu Universál Jornalizmu *cover both sides*. GMN TV la halo konfirmasaun ho parte Governu, liuliu halo konfirmasaun ho Priméiru Ministru, Mari Alkatiri hodi responde Xefe negosiadór nia nia deklarasaun, maibé ida-ne'e la akontese.

GMN TV, Abril 2018: Tranzmisaun Direta GMN TV, Edisaun 10 Abril - 19 Abril 2018, Programa Live "Kampaña Polítika AMP nian iha Liquica, Ermera no fatin seluk." Tuir CI nia análise, tranzmisaun direta husi GMN TV kona-

²⁴ Notisia GMN TV, edisaun Sabadu 12 Maiu no notisia GMN TV edisaun 6 Maiu 2018

²⁵ Kódigu Étika Jornalístika Timor-Leste no Prinsípiu Universal Jornalizmu

ba kampaña política Partidu AMP nian ne'e iha aspeitu direitu sidadaun nian atu asesu ba informasaun di'ak, maibé iha parte seluk la kontribui ba paz no estabilidade iha railaran. Ci haree katak tranzmisaun direta ne'ebé GMN TV halo ne'e la promove *peace journalism* tuir prinsípiu universál jurnalizmu nian tamba pública momos liafuan sira insulta-malu husi polítiku sira durante kampaña política. Produto jornalístiku ne'ebé nakunu ho liafuan provokativu bele hamosu konflitu ne'ebé bele dirije ba aktu violensia.

GMN TV la'os deit viola prinsípiu universál jurnalizmu nian *fair and balanced reporting*, maibé mós viola *the principle of common sense* no Kódigu Konduta STAE nian kona-ba kobertura mídia nian tamba la fó oportunidade hanesan ba partidu sira seluk atu halo mós tranzmisaun direta ba sira nia kampaña política. To'o ohin loron, GMN TV foin halo tranzmisaun direta ba partidu ka kolegasaun FDD nian kampaña política. Laiha kobertura justu no proporsional iha tranzmisaun nian bele hamosu interpretasaun oioin katak GMN TV favoritiza tiha AMP ne'ebé dadauk ne'e kompete hela iha eleisaun antesipada.

Aneksu 3: Nota monitorizasaun kona-ba kouta kobertura husi média imprime sira iha pajina espesiál

TIMOR POST - PÁJINA ESPESIÁL

Edisaun	PEP	PD	PR	FRETILIN	MSD	MDN	FDD	AMP
11/04/2018	1		1	1		1	1	
12/04/2018	1	2	1	1			1	1
13/04/2018	1	2		1		1		1
14/04/2018				2	1		1	2
16/04/2018	1		1				1	2
17/04/2018		1	1	2		1		1
18/04/2018		2	1	1		1		1
19/04/2018			1	2			1	1
20/04/2018			1	1		1	1	3
21/04/2018			1	3	1		1	1
23/04/2018				3		1		2
24/04/2018		1	1	1			1	1
25/04/2018		1		2			1	
26/04/2018				2	1		1	2
27/04/2018		2		1	1		1	1
30/04/2018	1			3	1	1		
02/05/2018		2	1	2			1	1
03/05/2018				2		1		1
04/05/2018			1	2			1	
05/05/2018		1	1	1	1			
07/05/2018		1		1	1		1	1
08/05/2018		1		2				3
09/05/2018			1				1	1
10/05/2018		1		1	1		1	1

INDEPENDENTE - PÁJINA ESPESIÁL

Edisaun	PEP	PD	PR	FRETILIN	MSD	MDN	FDD	AMP
11/04/2018	1		1	2			1	3
12/04/2018								4
13/04/2018				5				3
14/04/2018			1	3	1			1
16/04/2018				6				5
17/04/2018				1				3
18/04/2018			1					2
19/04/2018			1	3				2
20/04/2018				3				3
23/04/2018				3				3
24/04/2018				2				3
25/04/2018				3				3
26/04/2018				3				3
27/04/2018				2				3
28/04/2018				2				2
30/04/2018				3				2
02/05/2018				2				2
03/05/2018			1	1				2
04/05/2018			1	1				2
05/05/2018			1					2
07/05/2018				2				2

08/05/20018			1	1				2
09/05/2018				1				2
10/05/2018		1		1				1

DIARIO NACIONAL - PÁJINA ESPESIAL

Edisaun	PEP	PD	PR	FRETILIN	MSD	MDN	FDD	AMP
11/04/2018								
12/04/2018		1						1
13/04/2018				1	1			2
16/04/2018								4
17/04/2018				1			1	
18/04/2018				1			1	1
19/04/2018							1	3
20/04/2018							1	1
23/04/2018							2	
24/04/2018				1				2
25/04/2018				1			1	
26/04/2018								2
27/04/2018		1		1				
30/04/2018	1	1						1
02/05/2018	1	1					1	1
03/05/2018				1				1
04/05/2018				1		1	1	
07/05/2018							2	1
08/05/20018		1		1		1	1	
09/05/2018		1		1			1	
10/05/2018		2		4		1		2

Aneksu 4: Nota monitorizasaun kouta kobertura husi média imprime sira iha pajina normál

TIMOR POST – NOTÍCIA

Edisaun	PEP	PD	PR	FRETILIN	MSD	MDN	FDD	AMP
11/04/2018				1				3
12/04/2018				1				3
13/04/2018		1		2			1	1
14/04/2018		2	2	4				
16/04/2018		1	1	2		1		2
17/04/2018	1			2			2	3
18/04/2018		3	1	1	1		1	3
19/04/2018				1		1		1
20/04/2018				1			1	1
21/04/2018			1	2			1	2
23/04/2018				4			2	2
24/04/2018		4		2				2
25/04/2018		1		2	1			3
26/04/2018		1	2					3
27/04/2018		2		3		1		
30/04/2018	1		1	2				4
02/05/2018			1	5		1		2
03/05/2018				3			1	2
04/05/2018				1				1
05/05/2018		1		1				6
07/05/2018	1	1		1				1
08/05/2018	1			1				4
09/05/2018		1		1				6
10/05/2018		1		5				3

SUARA TIMOR LOROSA'E - NOTÍCIA

Edisaun	PEP	PD	PR	FRETILIN	MSD	MDN	FDD	AMP
11/04/2018		1	2	2				1
12/04/2018				1			1	1
13/04/2018		2		4			1	2
16/04/2018		2		6				4
17/04/2018		2		1				5
18/04/2018			4					2
19/04/2018				3				1
20/04/2018			1	5				1
21/04/2018								
23/04/2018		1	2	4				2
24/04/2018		4	2	1	1			5
25/04/2018			1	3				2
26/04/2018		2		3				3
27/04/2018			1	4				1
30/04/2018				2				
02/05/2018								1
03/05/2018				2			1	4
04/05/2018			1	3				1
07/05/2018		1		2				2
08/05/2018				3				3

09/05/2018			1	3				1
10/05/2018		1		2	1		1	2

TIMOROMAN - NOTÍCIA

Edisaun	PEP	PD	PR	FRETILIN	MSD	MDN	FDD	AMP
11/04/2018				3				4
12/04/2018	1			1				3
13/04/2018				3				2
16/04/2018	1			9			1	6
17/04/2018				2				6
18/04/2018				1				6
19/04/2018				3		1		3
20/04/2018				6				4
23/04/2018		2		7				5
24/04/2018				4		1		3
25/04/2018				3				4
26/04/2018				2				2
27/04/2018				2		1		2
30/04/2018				6		1		6
02/05/2018				4				4
03/05/2018				4				2
04/05/2018				3				
07/05/2018		2		4			1	7
08/05/2018		1		3				3
09/05/2018								3
10/05/2018			1	4		1		3

INDEPENDENTE - NOTÍCIA

Edisaun	PEP	PD	PR	FRETILIN	MSD	MDN	PDD	AMP
11/04/2018								1
12/04/2018		1			1			
13/04/2018				1				2
14/04/2018								
16/04/2018				4				2
17/04/2018				1				1
18/04/2018		1						
19/04/2018		1		1				
20/04/2018								
23/04/2018								1
24/04/2018								1
25/04/2018								1
26/04/2018								2
27/04/2018								
28/04/2018								
30/04/2018								
02/05/2018								
03/05/2018								
04/05/2018								
05/05/2018				1				
07/05/2018								1

08/05/2018		1						
09/05/2018				1				
10/05/2018								

DIARIU NASIONAL - NOTÍCIA

Edisaun	PEP	PD	PR	FRETILIN	MSD	MDN	FDD	AMP
11/04/2018								
12/04/2018				1				
13/04/2018				2				2
16/04/2018		1		2		2	1	1
17/04/2018		1		1				
18/04/2018								
19/04/2018	1	1		2				1
20/04/2018				1	1		1	1
23/04/2018							1	1
24/01/2018	1	1		2				
25/04/2018								
26/04/2018								2
27/04/2018								
30/04/2018		2		1			1	1
02/05/2018				1	1		1	5
03/05/2018			1					
04/05/2018			1	1				1
07/05/2018		3				2		2
08/05/2018	1	2		3				2
09/05/2018								1
10/05/2018								

Aneksu 5: Nota monitorizasaun kouta kobertura husi média transmisaun (RTTL – GMN-TV)

GMN TV – NOTÍCIA KAMPAÑA

EDISAUN	PARTIDU NO KOLIGASAUN							
	PEP	PD	PR	FRETILIN	MSD	MDN	FDD	AMP
13/04/2018				1			1	2
14/04/2018		1		1		1		3
15/04/2018				2				
16/04/2018				1			1	3
17/04/2018		1		1		1	1	1
18/04/2018	1	1		2			1	2
19/04/2018				2	1		2	1
20/04/2018			1	1				3
21/04/2018			1	2			1	1
23/04/2018	1	1			1		1	1
24/04/2018				2			2	2
25/04/2018		1						
26/04/2018		2		1				
27/04/2018			1	1			1	1
28/04/2018		1					1	
29/04/2018	2	1		1				2
30/04/2018		1		1	1		1	1
05/01/2018	1						1	2
05/02/2018			1	1				1
05/03/2018			1	3				1
05/04/2018		1				2	1	1
05/05/2018		1					1	2
05/06/2018		2		1			1	1
05/07/2018		2		1	1	1	1	2
05/08/2018	1			1		1	1	3
05/09/2018		2		2	1	1	3	2

TVTL - NOTÍCIA KAMPAÑA

EDISAUN	PARTIDU NO KOLIGASAUN							
	PEP	PD	PR	FRETILIN	MSD	MDN	FDD	AMP
13/4/2018	1	1	2	1	1	1	1	1
14/4/2018	1	1	1	1	1	1	1	1
15/4/2018	1	1	1	1	1	1	1	1
16/4/2018	1	1	1		1	1	1	1
17/4/2018	1	1	1	1	1	1		1
18/4/2018	1		1	1	1	1	1	1
19/4/2018	1	1	1	1		1	1	1
20/4/2018	1	1	1		2	1	1	1
21/4/2018	1	1	1	1	1		1	1
22/4/2018	1	1	1	1	1	1	1	1
23/4/2018	1	1	1	1	1	1	1	1
24/4/2018	1	1	1		1	1	1	1
25/4/2018	1	1	1	1	1	1	1	1
26/4/2018	1	1	1		1	1	1	1
27/4/2018	1	1	1	1		1	1	1

28/4/2018		1		1	2			1
29/4/2018	1	1	1	1	1	1	1	1
30/4/2018		1	1	1	1	1	1	1
05/01/2018					1	1	1	1
05/02/2018		2	1	1	1	1	1	1
05/03/2018	1		1	1	1	1	1	1
05/04/2018		2	1		1	1	1	1
05/05/2018	1	1	1	1	1	1	1	1
05/06/2018		1	1	1	1			1
05/07/2018	1	1	1	1	1	1	2	1
05/08/2018	1	1	1		1		1	1
05/09/2018	1	1	1	1	1	1	1	1